

Na osnovu Odluke Vlade Hercegovačko – neretvanskog kantona o dodjeli koncesije za obavljanje elektroprivredne djelatnosti proizvodnje, prijenosa i distribucije električne energije za elektroenergetski objekat solarna fotonaponska elektrana „AUTO START“, broj: 01-1-02-329/20 od 25.02.2020. godine, te na osnovu člana 31. i člana 62a. Zakona o koncesijama Hercegovačko – neretvanskog kantona („Službene novine HNK“, broj: 1/13, 7/16, 6/18 i 9/19)

VLADA HERCEGOVAČKO - NERETVANSKOG KANTONA (u daljem tekstu: Koncesor), sa sjedištem u Mostaru, Stjepana Radića 3, identifikacijski broj Vlade: I.D. 4227310410003, koju zastupa ministar privrede Hercegovačko - neretvanskog kantona Željko Laketić

i

privredno društvo **AUTO START d.o.o. Mostar** (u daljem tekstu: Koncesionar), sa sjedištem u Mostaru, Vrapčići bb, Mostar, identifikacijski broj društva JIB: 4227307460008, kojeg zastupa direktor društva Senad Vrce,

dana 16.04.2020. godine, zaključili su

UGOVOR O KONCESIJI
za obavljanje elektroprivredne djelatnosti proizvodnje, prijenosa i
distribucije električne energije za elektroenergetski objekat
solarna fotonaponska elektrana “AUTO START”

1. PREDMET UGOVORA

Član 1.

Ovim ugovorom (u daljem tekstu: Ugovor), Koncesor dodjeljuje Koncesionaru koncesiju za obavljanje elektroprivredne djelatnosti proizvodnje, prijenosa i distribucije električne energije za elektroenergetski objekat solarna fotonaponska elektrana „AUTO START“, instalisane nazivne snage (AC) 150 kW, na krovu poslovnog objekta i nadstrešnice za parkiranje vozila, Vrapčići, Mostar, izgrađen na parceli označenoj kao k.č. 2/56 K.O. Vrapčići, Grad Mostar.

Član 2.

Ovaj Ugovor nije dovoljan da bi Koncesionar mogao obavljati elektroprivrednu djelatnost proizvodnje, prijenosa i distribucije električne energije za elektroenergetske objekte fotonaponske elektrane na predmetnom lokalitetu, te će Koncesionar u svrhu realizacije Ugovora pribaviti sve propisane odgovarajuće dozvole i odobrenja od nadležnih organa.

2. OPĆE OBAVEZE KONCESIONARA

Član 3.

(1) Koncesionar je obavezan obavljati djelatnost predmeta koncesije u skladu sa uslovima i standardima za obavljanje djelatnosti koji su propisani svim zakonskim propisima koji regulišu oblast električne energije i izgradnje elektroenergetskih postrojenja ove vrste.

(2) Zakonski propisi i standardi koji regulišu pitanja građenja, zaštite okoliša, vodoprivrede i zaštite na radu, su također obavezujući za koncesionara.

Član 4.

(1) Sve dozvole/saglasnosti koje su propisane posebnim zakonima iz člana 3. Ugovora, a koje je Koncesionar obavezan pribaviti prije početka korištenja koncesije, kao i za vrijeme trajanja Ugovora, iste će pribaviti na svoj trošak i na svoj rizik.

(2) Koncesionar se obavezuje dostavljati Ministarstvu privrede HNK dozvole/saglasnosti iz stava (1) ovog člana, u roku 15 dana od dana njihove pravosnažnosti.

(3) U smislu ovog Ugovora, dozvole/saglasnosti označava sve dozvole, licence, saglasnosti ili odobrenja izdate od nadležnih organa, koje su potrebne za obavljanje elektroprivredne djelatnosti proizvodnje, prijenosa i distribucije električne energije za elektroenergetski objekat solarne fotonaponske elektrane iz člana 1. Ugovora.

Član 5.

Ako Koncesionar izvođenjem radova koji su u vezi sa predmetom koncesije prouzroči štetu trećima, dužan je otkloniti uzrok, a štetu nadoknaditi.

3. ROK TRAJANJA KONCESIJE

Član 6.

(1) Koncesija se daje na period od 12 (dvanaest) godina od dana početka korištenja koncesije.

(2) Rok trajanja koncesije počinje teći od prvog dana perioda važenja dozvole za rad za proizvodnju električne energije.

(3) Koncesija prestaje istekom dvanaeste godine od dana početka korištenja koncesije.

4. KONCESIONA NAKNADA

Član 7.

Koncesionar je dužan redovno plaćati koncesionu naknadu, u iznosu i na način utvrđen u Ugovoru.

Član 8.

U slučaju da Koncesionar zakasni sa ispunjenjem obaveze plaćanja koncesijskih naknada zaračunavaju mu se zatezne kamate u skladu sa važećim propisima.

4.1. JEDNOKRATNA KONCESIONA NAKNADA

Član 9.

(1) Jednokratna koncesiona naknada za koncesiju za obavljanje elektroprivredne djelatnosti proizvodnje, prijenosa i distribucije električne energije za elektroenergetski objekat solarna fotonaponska elektrana „AUTO START“, instalisane nazivne snage (AC) 150 kW, iznosi 422,00 KM (slovima: četiristotinedvadesetidvijekonvertibilnemarka).

(2) Jednokratnu koncesionu naknadu Koncesionar je obavezan platiti roku od 15 dana od dana potpisivanja Ugovora u punom iznosu.

(3) O načinu uplate, broju računa i ostalim podacima o uplati koncesione naknade iz stava (1) ovog člana, Koncesor će obavijestiti Koncesionara pismenim putem.

Član 10.

(1) Garancija plaćanja jednokratne koncesione naknade iz člana 9. stav (1) Ugovora je безусловna bankarska garancija na prvi poziv u iznosu od 422,00 KM sa rokom važenja jednakim roku plaćanja plus dodatnih tri mjeseca nakon isteka ugovorenog roka, a koju je Koncesionar dužan dostaviti u roku od tri dana od dana zaključenja ovog Ugovora.

(2) U slučaju da Koncesionar iznos jednokratne koncesione naknade iz člana 9. stav (1) Ugovora uplati prije isteka roka za dostavu bankarske garancije iz stava (1) ovog člana, Koncesionaru prestaje obaveza dostave te bankarske garancije.

4.2. TEKUĆA (GODIŠNJA) KONCESIONA NAKNADA

Član 11.

(1) Tekuća (godišnja) koncesiona naknada za korištenje obnovljivih izvora i obavljanje djelatnosti (TKNd) obračunavat će se prema formuli:

$$TKNd = 0,03 \times GPB \times 0,05 \times \Sigma B(12,8)$$

0,03-faktor grane djelatnosti, za oblast, iskorištavanje obnovljivih izvora energije,

GPB – godišnji bruto prihod ostvaren korištenjem predmeta koncesije, (proizvod ostvarenog kapaciteta proizvodnje električne energije (kWh) i važeće otkupne cijene električne energije (KM/kWh)).

ΣB - zbir svih dopunskih kriterija,

0,05- koeficijent korekcije tekuće (godišnje) naknade.

(2) Koncesionar za svaku obračunsku godinu trajanja koncesije u smislu člana 6. stav (2) Ugovora, do 01. januara te obračunske godine, utvrđuje godišnji plan proizvodnje električne energije, koji je dužan dostaviti organu nadležnom za nadzor Ugovora iz člana 28. stav (1) Ugovora.

Član 12.

(1) Obaveza naplaćivanja tekuće koncesione naknade počinje teći danom početka korištenja koncesije u smislu člana 6. stav (2) Ugovora.

(2) Tekuća koncesiona naknada se obračunava i naplaćuje na osnovu utvrđivanja činjeničnog stanja na kraju svake kalendarske godine trajanja koncesije, a najdalje do 31.01. naredne kalendarske godine u odnosu na godinu za koju se naknada obračunava.

(3) O visini iznosa, načinu uplate, broju računa i ostalim podacima o uplati ove koncesione naknade, Koncesor će obavijestiti Koncesionara pismenim putem.

(4) Garancija plaćanja naknade iz stava (1) ovog člana je безусловna bankarska garancija, koja će glasiti za tekuću obračunsku godinu u visini planiranog iznosa za tu godinu, i tako za svaku obračunsku godinu do kraja trajanja koncesionog odnosa sa rokom važenja do 30.04. naredne kalendarske godine u odnosu na obračunsku godinu.

(5) Koncesionar je garanciju iz stava (4) ovog člana dužan dostaviti Ministarstvu privrede Hercegovačko – neretvanskog kantona najkasnije do 1. januara tekuće obračunske godine.

(6) Garanciju plaćanja naknade iz stava (1) ovog člana za prvu obračunsku godinu (od dana početka korištenja koncesije u smislu člana 6. stav (2) Ugovora do kraja te kalendarske godine) Koncesionar je dužan dostaviti Ministarstvu privrede Hercegovačko – neretvanskog kantona najkasnije u roku od 15 dana od dana početka korištenja koncesije u smislu člana 6. stav (2) Ugovora.

(7) U slučaju da Koncesionar iznos tekuće koncesione naknade iz člana 11. stav (1) Ugovora uplati avansno, odnosno prije isteka roka iz stava (5) i stava (6) ovog člana, Koncesionaru prestaje obaveza dostave te bankarske garancije.

5. PRESTANAK KONCESIJSKOG ODNOSA

Član 13.

Koncesioni odnos prestaje:

- a) istekom roka koji je određen Ugovorom,
- b) otvaranjem stečajnog postupka nad Koncesionarom,
- c) prestankom postojanja predmeta koncesije,
- d) raskidom Ugovora o koncesiji,
- e) otkupom koncesije,
- f) oduzimanjem koncesije.

Član 14.

Kada nastupi jedan od razloga prestanka koncesionog odnosa, iz člana 13. tačke b) i c) organ nadležan za nadzor nad provođenjem Ugovora podnosi prijedlog Koncesoru za donošenje Odluke o prestanku koncesionog odnosa, u skladu sa članom 40. Zakona o koncesijama HNK.

Član 15.

(1) U slučaju prestanka koncesionog odnosa iz razloga navedenih u članu 13. Ugovora, Koncesor i Koncesionar su saglasni da sve novčane obaveze koje su izvršene, a koje se odnose na koncesione naknade, neće biti predmet povrata.

(2) U slučaju prestanka koncesionog odnosa iz razloga navedenih u članu 13. Ugovora, Koncesionar je dužan izmiriti obaveze plaćanja tekuće (godišnje) koncesione naknade, zaključno sa posljednjim mjesecom u kojem je koristio predmet koncesije, bez obzira na ukupan broj dana u tom mjesecu, a sve u roku od 30 (trideset) dana od dana prijema odluke o prestanku koncesije, odnosno rješenja o oduzimanju koncesije, odnosno dana raskida ili otkupa Ugovora.

Član 16.

Danom prestanka koncesije prestaje pravo Koncesionara na koncesiju za obavljanje elektroprivredne djelatnosti proizvodnje, prijenosa i distribucije električne energije za elektroenergetski objekat solarne fotonaponske elektrane iz člana 1. Ugovora.

5.1. RASKID KONCESIONOG UGOVORA

Član 17.

Ugovor o koncesiji će se raskinuti ako:

- a) je Koncesionar nesolventan ili bankrotira;
- b) Koncesionar ili Koncesor ne ispunjava obaveze iz Ugovora u ugovorenim rokovima;
- c) je pravosnažnom sudskom presudom Koncesionaru zabranjeno obavljanje djelatnosti koja je predmet koncesije;
- d) Koncesionar nije u roku započeo, odnosno završio radove koje je trebao izvesti prema Ugovoru;
- e) Koncesionar samovoljno mijenja uslove pod kojima je dodijeljena koncesija;
- f) Koncesionar ne plaća ili neredovno plaća koncesionu naknadu, u roku od 3 (tri) mjeseca;
- g) Koncesionar tri godine za redom proizvede na godišnjem nivou manje od 20% od planirane godišnje proizvodnje električne energije;
- h) se vršenjem koncesijske djelatnosti dovodi u opasnost životna sredina ili zakonom zaštićena područja i objekti, koja se u vrijeme davanja koncesije nije mogla predvidjeti;
- i) u slučaju nemogućnosti obavljanja djelatnosti zbog znatnijeg oštećenja predmeta koncesije.

Član 18.

Ugovorne strane Ugovor mogu raskinuti jednostrano ili sporazumno.

Član 19.

Kod raskida Ugovora Koncesionar je dužan, o svom trošku, izvršiti nužne radove koje mu, u skladu sa važećim zakonima, naloži Koncesor.

5.2. ODUZIMANJE KONCESIJE

Član 20.

(1) Oduzimanje koncesije vrši se ako:

- a) Koncesionar ne obavlja koncesionu djelatnost duže od godinu dana;
- b) Koncesionar ne izvršava Ugovorom preuzete obaveze;
- c) ako se obavljanjem koncesione djelatnosti ugrožava životna sredina i zdravlje ljudi, a mjere predviđene posebnim propisima i Ugovorom nisu dovoljne da se to spriječi.

(2) Kada nastupi slučaj iz prethodnog stava, organ nadležan za nadzor nad provođenjem Ugovora o tome obavještava Koncesora, koji zatim donosi rješenje kojim se koncesija oduzima od Koncesionara.

5.3. OTKUP KONCESIJE

Član 21.

Koncesioni odnos može prestati otkupom koncesije od strane Koncesora ako to nalaže opći interes, a pod uslovima i na način utvrđen propisima o eksproprijaciji.

6. PRENOS KONCESIJE

Član 22.

(1) Koncesiona prava iz Ugovora mogu se prenijeti na drugo pravno lice, u skladu sa Zakonom o koncesijama, o čemu se zaključuje poseban ugovor, na koji saglasnost daje Koncesor.

(2) Ugovor o prenosu koncesije zaključen bez saglasnosti Koncesora ništav je.

7. VIŠA SILA

Član 23.

Pod višom silom smatrat će se rat, konflikti slični ratu, oružane borbe, elementarne nepogode, prirodni procesi i drugi događaji objektivno izvan kontrole ugovornih strana, a koji ih sprječavaju da izvršavaju obaveze i/ili ostvaruju prava iz Ugovora.

Član 24.

Strana koja se poziva na višu silu dužna je o tome obavijestiti drugu stranu pismeno, najkasnije u roku 10 dana od dana nastanka, odnosno prestanka više sile.

Član 25.

U slučaju nastanka više sile, koncesiona prava i obaveze miruju od dana dostavljanja obavještenja iz člana 24. Ugovora do dana prestanka više sile.

8. NAČIN MEĐUSOBNOG IZVJEŠTAVANJA

Član 26.

O svim pitanjima vezanim za izvršenje obaveza iz Ugovora ugovorne strane će se pismeno izvještavati.

Član 27.

Koncesionar je dužan bez odgađanja obavještavati Koncesora o svakoj nepravilnosti ili nedostatku u izvršavanju Ugovora, o svakoj situaciji koja prijete i/ili ugrožava izvršavanje Ugovora, te o drugim situacijama u skladu sa Ugovorom i pozitivnim pravnim propisima.

10. NADZOR NAD PROVOĐENJEM ODREĐABA UGOVORA

Član 28.

(1) Nadzor nad provođenjem Ugovora vrši Ministarstvo privrede Hercegovačko – neretvanskog Kantona.

(2) Ministar privrede može u pismenoj formi ovlastiti i drugo lice da obavlja provjeru rada Koncesionara.

(3) Nadzor nad ispunjenjem finansijskih prava i obaveza iz Ugovora obavlja Ministarstvo finansija Hercegovačko – neretvanskog kantona.

Član 29.

Organ ovlašten za vršenje nadzora iz člana 28. Ugovora dužan je predložiti Koncesoru donošenje Odluke o prestanku koncesijskoga odnosa i preduzimanju drugih odgovarajućih mjera u skladu sa Ugovorom i relevantnim pozitivnim propisima.

11. PRODUŽAVANJE UGOVORA

Član 30.

Ugovor o koncesiji može se produžiti u skladu sa Zakonom o koncesijama HNK, na period ne duži od polovine roka ugovorenog članom 6. stav (1) Ugovora.

12. RJEŠAVANJE SPOROVA

Član 31.

(1) U slučaju da za vrijeme trajanja Ugovora dođe do spora između ugovornih strana, koji bi bio vezan za provođenje i/ili tumačenja odredaba Ugovora, ugovorne strane su saglasne da će sve eventualne sporove riješiti sporazumno.

(2) Ako se eventualni sporovi ne mogu riješiti na način utvrđen prethodnim stavom, za rješavanje sporova nadležan je Općinski sud u Mostaru.

13. ZAVRŠNE ODREDBE

Član 32.

(1) Ovaj Ugovor sadrži sedam numerisanih stranica, sačinjen je u osam istovjetnih primjeraka od kojih svaka od ugovornih strana zadržava po dva primjerka.

(2) Po jedan primjerak Ugovora dostavit će se: Ministarstvu finansija Hercegovačko - neretvanskog kantona, Općinskom sudu u Mostaru, Kantonalnom javnom pravobranilaštvu i Gradu Mostaru, u roku od osam dana od dana njegovog zaključivanja.

Član 33.

Na sve odnose koji nisu uređeni Ugovorom direktno se primjenjuju relevantni pozitivni propisi.

Član 34.

Strane u Ugovoru zadržavaju pravo aneksom Ugovora izmijeniti i/ili dopuniti Ugovor.

Član 35.

Ovaj Ugovor stupa na snagu danom potpisivanja obiju ugovornih strana.

KONCESIONAR
AUTO START d.o.o. Mostar

direktor

Senad Vrce

KONCESOR
Vlada Hercegovačko -neretvanskog kantona

ministar

Željko Laketić

Broj: _____

Broj:07-02a)-13-15-18/20

Na temelju Odluke Vlade Hercegovačko-neretvanske županije o dodjeli koncesije za eksploataciju mineralne sirovine tehničkog građevinskog kamena krečnjaka na lokalitetu „Mokri Do“, Grad Mostar, broj: 01-1-02-59/20 od 15.01.2020. godine, te na temelju članka 31. Zakona o koncesijama Hercegovačko-neretvanske županije („Narodne novine HNŽ“, broj: 1/13, 7/16, 6/18 i 9/19)

VLADA HERCEGOVAČKO-NERETVANSKE ŽUPANIJE

(u daljnjem tekstu: Koncesor), sa sjedištem u Mostaru, Stjepana Radića 3, identifikacijski broj Vlade: 4227310410003, koju zastupa Ministar gospodarstva Hercegovačko-neretvanske županije Željko Laketić

i

gospodarsko društvo „ALEAMIL” d.o.o. Mostar, sa sjedištem u Mostaru, Ortiješ bb, identifikacijski broj: 4227918000002 (u daljnjem tekstu: Koncesionar), kojeg zastupa direktor društva Hrvoje Vrljić,

dana 28.04.2020. godine, sklopili su

U G O V O R

O

K O N C E S I J I

**za eksploataciju mineralne sirovine tehničkog građevinskog kamena krečnjaka
na lokalitetu „Mokri Do“, Grad Mostar**

1. PREDMET UGOVORA**Članak 1.**

(1) Ovim ugovorom (u daljnjem tekstu: Ugovor) Koncesor daje, a Koncesionar preuzima pravo na eksploataciju mineralne sirovine tehničkog građevinskog kamena krečnjaka na lokalitetu „Mokri Do“, Grad Mostar.

(2) Eksploatacija tehničkog građevinskog kamena krečnjaka će se obavljati na lokalitetu iz stavka (1) ovog članka, na prostoru omeđenom koordinatama:

Točka	X	Y
A	6 481 201	4 798 753
B	6 481 019	4 799 148
C	6 481 019	4 799 214
D	6 481 096	4 799 262
E	6 481 207	4 799 188
F	6 481 302	4 799 191
G	6 481 400	4 799 078

koji prostor je površine cca 10 ha, na zemljištu označenom kao k.č. broj: 1311/1 (dio) (k.č.broj: 44/2 (dio)-stari premjer) K.O. Miljkovići, Grad Mostar, u kojem su rezerve mineralne sirovine tehničkog građevinskog kamena krečnjaka, prema Rješenju Ministarstva gospodarstva Hercegovinačko-neretvanske županije, broj: UP/I-07-02a)-20-200-11/14 od 17.03.2015. godine:

Kategorija	Geološke rezerve (m ³)	Eksploatacijske rezerve (m ³)
A	321 321	305 255
B	1 134 617	1 077 887
C	492 167	467 561
A+B+ C ₁	1 948 105	1 850 703

(3) Ovim Ugovorom daje se pravo na eksploataciju ukupno 800.000 m³ mineralne sirovine tehničkog građevinskog kamena krečnjaka.

2. OPĆE OBVEZE KONCESIONARA**Članak 2.**

(1) Koncesionar je obavezan obavljati djelatnost predmeta koncesije na način i pod uvjetima utvrđenim propisima koji reguliraju oblast eksploatacije mineralnih sirovina.

(2) Zakonski propisi i standardi koji reguliraju pitanja zaštite okoline, prostornog planiranja, vodoprivrede i zaštite na radu su također obvezujući za koncesionara.

Članak 3.

Koncesionar je obavezan da podnese zahtjev za izdavanje dozvole za eksploataciju mineralne sirovine tehničkog građevinskog kamena krečnjaka na lokalitetu „Mokri Do“, Grad Mostar kod nadležnog organa u roku od 30 dana od dana zaključenja Ugovora.

Članak 4.

(1) Sve dozvole/suglasnosti koje su propisane posebnim zakonima, a koje je Koncesionar obavezan pribaviti prije početka korištenja koncesije, iste će pribaviti na svoj trošak i na svoj rizik.

(2) Koncesionar se obvezuje dostavljati Ministarstvu gospodarstva Hercegovačko-neretvanske županije dozvole/suglasnosti iz stavka (1) ovog članka, u roku sedam dana od dana njihovog pribavljanja, izuzev dozvola/suglasnosti za čije je izdavanje nadležno samo Ministarstvo gospodarstva Hercegovačko-neretvanske županije.

Članak 5.

Za vrijeme važenja ovog Ugovora zemljište označeno u članku 1. stavak (2) Ugovora Koncesionar će koristiti isključivo u svrhu eksploatacije mineralne sirovine tehničkog građevinskog kamena krečnjaka.

Članak 6.

(1) Za cijelo vrijeme trajanja koncesije Koncesionar neće davati drugim pravnim ili fizičkim licima da u njegovo ime i/ili za njegov račun eksploatiraju predmet koncesije.

(2) Koncesionar je jedini odgovoran za sve radnje, radove i aktivnosti trećih lica u vezi sa vađenjem mineralne sirovine, za koje je ova koncesija izdana.

Članak 7.

(1) Nađene predmete u okviru eksploatacijskog polja, koji predstavljaju povijesne, kulturne ili prirodne vrijednosti Koncesionar je dužan bez naknade predati Koncesoru.

(2) Ako bi dalje izvođenje radova moglo ugroziti cjelinu odnosno vrijednost nađenih predmeta Koncesionar je dužan obustaviti radove i o tome odmah pismeno obavijestiti organ nadležan za poslove zaštite povijesnih, kulturnih i prirodnih vrijednosti i tražiti od istoga utvrđivanje potrebe za obustavom radova.

(3) U slučaju da organ nadležan za poslove zaštite povijesnih, kulturnih i prirodnih vrijednosti obustavi radove, u skladu sa stavkom (2) ovog članka, Koncesionar je dužan, u roku od tri dana od dana prijema akta o obustavi, pismeno obavijestiti organ nadležan za nadzor nad provođenjem Ugovora.

Članak 8.

Ukoliko se zbog obustave iz članka 7. Ugovora radovi ne nastave u roku od 90 dana, ugovorne strane će pristupiti izradi Aneksa Ugovora, sa ciljem pronalaženja adekvatnog rješenja koje bi omogućilo zaštitu investicije Koncesionara i nastavak realizacije Ugovora.

Članak 9.

Koncesionar je dužan, u slučaju jednostranog ili sporazumnog raskida Ugovora, prestanka koncesije ili oduzimanja koncesije, odmah, a najdalje u roku od tri dana, napustiti eksploatacijsko polje, u skladu sa važećim zakonima i uvjetima iz predmetnih odobrenja, rješenja, elaborata i projekata.

Članak 10.

(1) Koncesionar je dužan, prema glavnom rudarskom projektu, u kontinuitetu vršiti sanaciju zemljišta i tehničku rekultivaciju devastiranih površina nastalih uslijed rudarskih radova, kao i provesti mjere osiguranja kako bi se trajno isključile opasnosti po život i zdravlje ljudi i imovine i mogući uzročnici zagađenja okoline, odnosno štete na objektima i okolini.

(2) Koncesionar je dužan rekultivaciju iz stavka (1) ovog članka izvršiti za vrijeme trajanja koncesije.

Članak 11.

Koncesionar je dužan pri izvođenju rudarskih radova poduzimati mjere zaštite na radu, zaštite života i

zdravlja građana kao i osiguranja imovine, te i druge mjere zaštite u skladu sa glavnim rudarskim projektom i posebnim propisima koji se odnose na ovu oblast.

Članak 12.

Koncesionar je dužan zaštitu okoliša vršiti kroz primjenu mjera propisanih glavnim rudarskim projektom i važećom okolinskom dozvolom i posebnim propisima koji se odnose na ovu oblast.

Članak 13.

Ako Koncesionar izvođenjem radova prouzroči štetu trećima, dužan je otkloniti uzrok, a štetu nadoknaditi.

Članak 14.

Tijekom trajanja koncesije Koncesionar će Ministarstvu gospodarstva Hercegovačko-neretvanske županije godišnje, do 15.03. tekuće godine dostavljati slijedeće podatke za prethodnu godinu:

- podatke o cijenama mineralne sirovine tehničkog građevinskog kamena krečnjaka po kojima Koncesionar istu prodaje;
- razvojne podatke;
- podatke o poduzetim mjerama zaštite iz članaka 10., 11. i 12. Ugovora.

3. KONCESIJSKA NAKNADA

Članak 15.

- (1) Koncesionar je dužan redovno plaćati koncesijsku naknadu, u iznosu i na način utvrđen Ugovorom.
- (2) U slučaju da Koncesionar zakasni sa ispunjenjem obveze plaćanja koncesijskih naknada zaračunavaju mu se zatezne kamate u skladu sa važećim propisima.

3.1. JEDNOKRATNA KONCESIJSKA NAKNADA

Članak 16.

(1) Jednokratna koncesijska naknada, koja predstavlja naknadu za dodijeljeno pravo na eksploataciju 800.000 m³ mineralne sirovine tehničkog građevinskog kamena krečnjaka, iznosi 224.400,00 KM (slovima: dvijestotinetdvadesetčetiristisućečetiristotinekonzertibilnihmaraka).

(2) Jednokratnu koncesijsku naknadu Koncesionar je obvezan platiti u ratama, na slijedeći način:

- a) prvu ratu koja iznosi 44.885,00 KM (slovima: četrdesetčetiristisućeosamstotinaosamdesetpetkonzertibilnihmaraka) uplatiti u roku od 15 dana od dana zaključenja Ugovora;
- b) drugu ratu koja iznosi 25.645,00 KM (slovima: dvadesetpettisućašeststotinačetredesetpetkonzertibilnihmaraka) uplatiti najkasnije do kraja 2020. godine;
- c) treću ratu koja iznosi 25.645,00 KM (slovima: dvadesetpettisućašeststotinačetredesetpetkonzertibilnihmaraka) uplatiti najkasnije do kraja 2021. godine;
- d) četvrtu ratu koja iznosi 25.645,00 KM (slovima: dvadesetpettisućašeststotinačetredesetpetkonzertibilnihmaraka) uplatiti najkasnije do kraja 2022. godine;

e) petu ratu koja iznosi 25.645,00 KM (slovima: dvadesetpettisućašeststotinačetrdesetpetkonvertibilnihmaraka) uplatiti najkasnije do kraja 2023. godine;

f) šestu ratu koja iznosi 25.645,00 KM (slovima: dvadesetpettisućašeststotinačetrdesetpetkonvertibilnihmaraka) uplatiti najkasnije do kraja 2024. godine,

g) sedmu ratu koja iznosi 25.645,00 KM (slovima: dvadesetpettisućašeststotinačetrdesetpetkonvertibilnihmaraka) uplatiti najkasnije do kraja 2025. godine,

h) osmu ratu koja iznosi 25.645,00 KM (slovima: dvadesetpettisućašeststotinačetrdesetpetkonvertibilnihmaraka) uplatiti najkasnije do kraja 2026. godine.

(3) O načinu uplate, broju računa i ostalim podacima o uplati koncesijske naknade iz stavka (1) ovog članka, Koncesor će obavijestiti Koncesionara pismenim putem.

Članak 17.

(1) Garancija plaćanja prve rate jednokratne koncesijske naknade iz članka 16. stavak (2) točka a) Ugovora je bezuvjetna bankarska garancija na prvi poziv u iznosu od 44.885,00 KM sa rokom važenja jednakim roku plaćanja prve rate plus dodatnih tri mjeseca nakon isteka ugovorenog roka, a koju je Koncesionar dužan dostaviti u roku od tri dana od dana zaključenja ovog Ugovora.

(2) U slučaju da Koncesionar iznos prve rate jednokratne koncesijske naknade iz članka 16. stavak (2) točka a) Ugovora uplati prije isteka roka za dostavu bankarske garancije iz stavka (1) ovog članka, Koncesionaru prestaje obveza dostave te bankarske garancije.

(3) Garancija plaćanja ostalih rata jednokratne koncesijske naknade je bezuvjetna bankarska garancija u vrijednosti svake pojedinačne rate sa rokom važenja jednakim roku plaćanja te pojedinačne rate plus dodatnih tri mjeseca nakon isteka ugovorenog roka za plaćanje te pojedinačne rate na koju se garancija odnosi.

(4) Garancije iz stavka (3) ovog članka Koncesionar je dužan dostavljati za svaku pojedinačnu ratu najkasnije do 01.03. one godine u kojoj se pojedinačna rata plaća, a u slučaju da Koncesionar iznos te rate uplati prije isteka roka za dostavu bankarske garancije, Koncesionaru prestaje obveza dostave te bankarske garancije.

3.2. TEKUĆA (GODIŠNJA) KONCESIJSKA NAKNADA

Članak 18.

(1) Obveza Koncesionara da Koncesoru plaća tekuću (godišnju) koncesijsku naknadu nastaje i traje za vrijeme trajanja koncesije u smislu članka 22. stavka (2) i (3) Ugovora.

(2) Tekuća (godišnja) koncesijska naknada se izračunava na način da se ukupna količina iskopane mineralne sirovine pomnoži sa koeficijentom vrijednosti (cijenom), a sve u skladu sa Odlukom o načinu utvrđivanja, načinu i rokovima plaćanja koncesijske naknade za eksploataciju mineralnih sirovina na području Hercegovačko-neretvanske županije („Narodne novine HNŽ“, broj: 2/14) i shodno Listi mineralnih sirovina sa koeficijentima vrijednosti (cijenama) za izračunavanje tekuće (godišnje) naknade za koncesiju za eksploataciju mineralnih sirovina za odgovarajuću godinu.

(3) Koeficijent vrijednosti (cijena) mineralne sirovine za svaku pojedinačnu obračunsku godinu utvrđivat će se shodno aktima iz prethodnog stavka, i činit će sastavni dio ovog Ugovora.

Članak 19.

(1) U cilju utvrđivanja visine tekuće (godišnje) koncesijske naknade, Koncesionar za svaku kalendarsku godinu trajanja koncesije, na temelju rudarske, geološke i planske dokumentacije, utvrđuje godišnji plan eksploatacije mineralne sirovine, na koji Ministarstvo gospodarstva Hercegovačko-neretvanske županije daje suglasnost.

(2) Godišnji plan iz stavka (1) ovog članka, Koncesionar je dužan dostaviti Koncesoru najkasnije do 01.03. tekuće kalendarske godine za godinu za koju se dostavlja godišnji plan eksploatacije.

(3) Za prvu kalendarsku godinu trajanja koncesije Koncesionar će Koncesoru dostaviti plan eksploatacije za razdoblje od početka korištenja predmeta koncesije (u smislu članka 22. stavak (2) Ugovora) do kraja te kalendarske godine. Ovaj plan eksploatacije Koncesionar će dostaviti Koncesoru u roku od 15 (petnaest) dana od dana početka korištenja predmeta koncesije.

Članak 20.

(1) Tekuću (godišnju) koncesijsku naknadu Ministarstvo gospodarstva obračunava na temelju utvrđivanja činjeničnog stanja na kraju svake kalendarske godine trajanja koncesije, a najdalje do 31.01. naredne kalendarske godine u odnosu na godinu za koju se naknada obračunava.

(2) Ukoliko utvrđivanjem činjeničnog stanja Ministarstvo gospodarstva utvrdi da je količina iskopane mineralne sirovine manja od količine utvrđene u godišnjem planu eksploatacije iz članka 19. Ugovora, onda osnovica za obračun tekuće (godišnje) naknade ne može biti manja od 70% od količine utvrđene planom.

(3) Ukoliko utvrđivanjem činjeničnog stanja Ministarstvo gospodarstva utvrdi da je količina iskopane mineralne sirovine veća od količine utvrđene u godišnjem planu eksploatacije iz članka 19. Ugovora, Koncesor i Koncesionar se obvezuju da će zaključiti aneks Ugovora kojim će ugovoriti način, rok i sredstvo osiguranja plaćanja nastale razlike iznosa tekuće (godišnje) koncesijske naknade u odnosu na godišnji plan eksploatacije.

(4) O visini iznosa, načinu uplate, broju računa i ostalim podacima o uplati ove koncesijske naknade, Koncesor će obavijestiti Koncesionara pismenim putem.

Članak 21.

(1) Garancija plaćanja tekuće (godišnje) koncesijske naknade je bezuvjetna bankarska garancija u vrijednosti predviđene (godišnje) naknade izračunate na osnovu godišnjeg plana iz članka 19. stavak (1) Ugovora, sa rokom važenja jednakim roku plaćanja te naknade plus dodatnih tri mjeseca nakon isteka toga roka.

(2) Garanciju iz stavka (1) ovog članka Koncesionar je dužan dostaviti za svaku kalendarsku godinu trajanja koncesije, do 31.03. tekuće godine na koju se garancija odnosi.

(3) Za prvu kalendarsku godinu trajanja koncesije Koncesionar će Koncesoru dostaviti bezuvjetnu bankarsku garanciju u vrijednosti tekuće (godišnje) naknade prema planu eksploatacije iz članka 19. stavak (3) Ugovora, sa rokom važenja jednakim roku plaćanja te naknade plus dodatnih tri mjeseca nakon isteka toga roka. Ovu bankarsku garanciju Koncesionar će dostaviti Koncesoru u roku od 30 dana od dana početka korištenja predmeta koncesije.

4. ROK TRAJANJA KONCESIJE

Članak 22.

(1) Koncesija se dodjeljuje na period od 20 godina.

(2) Početkom korištenja predmeta koncesije, smatrat će se dan konačnosti rješenja

kojim se Koncesionaru odobrava izvođenje rudarskih radova prema rudarskom projektu.

(3) Koncesija prestaje istekom 20. godine od dana početka korištenja predmeta koncesije.

5. PRESTANAK KONCESIJSKOG ODNOSA

Članak 23.

Koncesijski odnos prestaje:

- a) istekom roka koji je određen Ugovorom,
- b) otvaranjem stečajnog postupka nad Koncesionarom,
- c) prestankom postojanja predmeta koncesije,
- d) raskidom Ugovora o koncesiji,
- e) otkupom koncesije,
- f) oduzimanjem koncesije.

Članak 24.

Kada nastupi jedan od razloga prestanka koncesijskog odnosa, iz članka 23. točke b) i c) organ nadležan za nadzor nad provođenjem Ugovora podnosi prijedlog Koncesoru za donošenje Odluke o prestanku koncesijskog odnosa, u skladu sa člankom 40. Zakona o koncesijama Hercegovačko-neretvanske županije.

Članak 25.

(1) U slučaju prestanka koncesijskog odnosa iz bilo kojeg razloga, Koncesor i Koncesionar su suglasni da sve novčane obveze koje su izvršene neće biti predmet povrata.

(2) U slučaju prestanka koncesijskog odnosa iz bilo kojeg razloga, Koncesionar je dužan izmiriti obveze plaćanja tekuće (godišnje) koncesijske naknade, zaključno sa posljednjim mjesecom u kojem je koristio predmet koncesije, bez obzira na ukupan broj dana u tom mjesecu, a sve u roku od 30 (trideset) dana od dana prijema odluke o prestanku koncesije, odnosno rješenja o oduzimanju koncesije, odnosno dana raskida ili otkupa Ugovora.

Članak 26.

Danom prestanka koncesije prestaje pravo Koncesionara na korištenje eksploatacije mineralne sirovine tehničkog građevinskog kamena krečnjaka na lokalitetu „Mokri Do“, Grad Mostar.

5.1. RASKID KONCESIJSKOG UGOVORA

Članak 27.

Ugovor o koncesiji će se raskinuti ako:

- a) je Koncesionar nesolventan ili bankrotira;
- b) Koncesionar ili Koncesor ne ispunjava obveze iz Ugovora u ugovorenim rokovima;
- c) je pravosnažnom sudskom presudom Koncesionaru zabranjeno obavljanje djelatnosti koja je predmet koncesije;
- d) Koncesionar nije u roku započeo, odnosno završio radove koje je trebao izvesti prema Ugovoru;
- e) Koncesionar samovoljno mijenja uvjete pod kojima je dodijeljena koncesija;
- f) Koncesionar ne plaća ili neredovno plaća koncesijsku naknadu, u roku od 3 (tri) mjeseca;
- g) Koncesionar tri godine za redom iskopa na godišnjoj razini manje od 70% količine sirovine utvrđene planom eksploatacije za tu godinu;
- h) se vršenjem koncesijske djelatnosti dovodi u opasnost životna sredina ili zakonom

- zaštićena područja i objekti, koja se u vrijeme davanja koncesije nije mogla predvidjeti;
- i) u slučaju nemogućnosti obavljanja djelatnosti zbog znatnijeg oštećenja predmeta koncesije.

Članak 28.

Ugovorne strane Ugovor mogu raskinuti jednostrano prostom izjavom ili sporazumno.

Članak 29.

Kod raskida Ugovora Koncesionar je dužan, o svom trošku, izvršiti nužne radove koje mu, u skladu sa važećim zakonima, naloži Koncesor.

5.2. ODUZIMANJE KONCESIJE

Članak 30.

- (1) Oduzimanje koncesije vrši se ako:
- Koncesionar ne obavlja koncesijsku djelatnost duže od godinu dana;
 - Koncesionar ne izvršava Ugovorom preuzete obveze;
 - se obavljanjem koncesijske djelatnosti ugrožava životna sredina i zdravlje ljudi, a mjere predviđene posebnim propisima i Ugovorom nisu dovoljne da se to spriječi.
- (2) Kada nastupi slučaj iz prethodnog stavka, organ nadležan za nadzor nad provođenjem Ugovora o tome obavještava Koncesora, koji zatim donosi rješenje kojim se koncesija oduzima od Koncesionara.

5.3. OTKUP KONCESIJE

Članak 31.

Koncesijsku odnos može prestati otkupom koncesije od strane Koncesora ako to nalaže opći interes, a pod uvjetima i na način utvrđen propisima o eksproprijaciji.

6. PRIJENOS KONCESIJE

Članak 32.

- (1) Koncesijska prava iz Ugovora mogu se prenijeti na drugu pravnu osobu, u skladu sa Zakonom o koncesijama, o čemu se zaključuje poseban ugovor, na koji suglasnost daje Koncesor.
- (2) Ugovor o prijenosu koncesije zaključen bez suglasnosti Koncesora ništav je.
- (3) Koncesor i Koncesionar se obvezuju da se prijenos koncesije iz stavka (1) ovog članka neće vršiti u razdoblju od sedam godina od dana stupanja na snagu Ugovora.

7. VIŠA SILA

Članak 33.

Pod višom silom smatrat će se rat, konflikti slični ratu, oružane borbe, elementarne nepogode, prirodni procesi i drugi događaji objektivno izvan kontrole ugovornih strana, a koji ih sprječavaju da izvršavaju obveze i/ili ostvaruju prava iz Ugovora.

Članak 34.

Strana koja se poziva na višu silu dužna je o tome obavijestiti drugu stranu pismeno, najkasnije u roku 10

dana od dana nastanka, odnosno prestanka više sile.

Članak 35.

U slučaju nastanka više sile, koncesijska prava i obveze miruju od dana dostavljanja obavještenja iz članka 34. Ugovora do dana prestanka više sile.

8. NAČIN MEĐUSOBNOG IZVJEŠTAVANJA

Članak 36.

O svim pitanjima vezanim za izvršenje obveza iz Ugovora ugovorne strane će se pismeno izvještavati.

Članak 37.

Koncesionar je dužan bez odgađanja obavještavati Koncesora o svakoj nepravilnosti ili nedostatku u izvršavanju Ugovora, o svakoj situaciji koja prijete i/ili ugrožava izvršavanje Ugovora, te o drugim situacijama u skladu sa Ugovorom i pozitivnim pravnim propisima.

9. NADZOR NAD PROVOĐENJEM ODREDBA UGOVORA

Članak 38.

- (1) Nadzor nad provođenjem Ugovora vrši Ministarstvo gospodarstva Hercegovačko-neretvanske županije.
- (2) Ministar gospodarstva može u pismenoj formi ovlastiti i drugu osobu da obavlja provjeru rada Koncesionara.
- (3) Nadzor nad ispunjenjem finansijskih prava i obveza iz Ugovora obavlja Ministarstvo financija Hercegovačko-neretvanske županije.

Članak 39.

Organ ovlašten za vršenje nadzora iz članka 38. Ugovora dužan je predložiti Koncesoru donošenje Odluke o prestanku koncesijskog odnosa i poduzimanju drugih odgovarajućih mjera u skladu sa Ugovorom i relevantnim pozitivnim propisima.

10. PRODUŽAVANJE UGOVORA

Članak 40.

Ugovor o koncesiji može se produžiti u skladu sa Zakonom o koncesijama Hercegovačko-neretvanske županije, na razdoblje ne duže od polovine roka ugovorenog člankom 22. stavak (1) Ugovora.

11. RJEŠAVANJE SPOROVA

Članak 41.

- (1) U slučaju da za vrijeme trajanja Ugovora dođe do spora između ugovornih strana, koji bi bio vezan za provođenje i/ili tumačenja odredaba Ugovora, ugovorne strane su suglasne da će sve eventualne sporove riješiti sporazumno.
- (2) Ako se eventualni sporovi ne mogu riješiti na način utvrđen prethodnim stavkom, za rješavanje sporova nadležan je Općinski sud u Mostaru.

12. SASTAVNI DIO UGOVORA

Članak 42.

Sastavni dio Ugovora su:

- a) Rješenje Ministarstva gospodarstva Hercegovačko-neretvanske županije, broj: UP/I-07-02a)-20-200-11/14 od 17.03.2015. godine i broj: broj: UP/I-07-02a)-20-26-1/18 od 26.02.2018. godine;
- b) Odluka Vlade Hercegovačko-neretvanske županije o dodjeli koncesije za eksploataciju mineralne sirovine tehničkog građevinskog kamena krečnjaka na lokalitetu „Mokri Do“ Grad Mostar, broj: 01-1-02-59/20 od 15.01.2020. godine;
- c) Suglasnost Grada Mostara za dodjelu koncesije za eksploataciju mineralne sirovine tehničko građevinskog kamena krečnjaka na lokalitetu „Mokri Do“, Grad Mostar, broj: 02-25-8920/17-1 od 06.07.2017. godine.

13. ZAVRŠNE ODREDBE

Članak 43.

(1) Ovaj Ugovor sadrži 10 numeriranih stranica, sačinjen je u osam istovjetnih primjeraka od kojih svaka od ugovornih strana zadržava po dva primjerka.

(2) Po jedan primjerak Ugovora dostavit će se: Ministarstvu financija Hercegovačko-neretvanske županije, Općinskom sudu u Mostaru, Županijskom javnom pravobraniteljstvu i Gradu Mostaru, u roku od 8 dana od dana njegovog zaključivanja.

Članak 44.

Na sve odnose koji nisu uređeni Ugovorom direktno se primjenjuju relevantni pozitivni propisi.

Članak 45.

Strane u Ugovoru zadržavaju pravo aneksom Ugovora izmijeniti i/ili dopuniti Ugovor.

Članak 46.

Ovaj Ugovor stupa na snagu danom potpisivanja obje ugovorne strane.

Koncesionar
„ALEAMIL“ d.o.o. Mostar

direktor

Hrvoje Vrljić

Koncesor
Vlada Hercegovačko-neretvanske županije

ministar

Željko Laketić

Broj: _____

Broj: 07-02a)-20-372-34/19

Na osnovu člana 16. stav (1) i člana 17. stav (2) Zakona o Vladi Hercegovačko – neretvanskog kantona („Službene novine HNK“, broj: 3/07, 5/09), člana 28. stav (6), a u vezi sa članom 62a. Zakona o koncesijama Hercegovačko – neretvanske županije („Službene novine HNK“, broj: 1/13, 7/16, 6/18, 9/19), Vlada Hercegovačko-neretvanskog kantona je na 123. sjednici, održanoj 16.06.2020. godine, donijela

**ODLUKU O DODJELI KONCESIJE
ZA OBAVLJANJE ELEKTROPRIVREDNE DJELATNOSTI PROIZVODNJE,
PRENOSA I DISTRIBUCIJE ELEKTRIČNE ENERGIJE ZA
ELEKTROENERGETSKI OBJEKAT FOTONAPONSKA ELEKTRANA
„PJEŠIVAC 1“, NA LOKALITETU „PJEŠIVAC“, OPĆINA STOLAC**

I

Vlada Hercegovačko – neretvanskog kantona kao koncesor, dodjeljuje koncesionaru privrednom društvu ENERGOSOL d.o.o. Jablanica, koncesiju za obavljanje elektroprivredne djelatnosti proizvodnje, prenosa i distribucije električne energije za elektroenergetski objekat fotonaponska elektrana „Pješivac 1“, instalirane snage 150 kW AC (149,94 kWp DC), na zemljištu označenom kao k.č. 1/50 (stari broj: 991/46) k.o. Pješivac, Općina Stolac.

II

- (1) Koncesija se dodjeljuje na period od 12 (dvanaest) godina.
- (2) Rok trajanja koncesije počinje teći od dana zaključenja ugovora o koncesiji.
- (3) Koncesija prestaje istekom dvanaeste godine od dana početka trajanja koncesije.

III

- (1) Prava i obaveze koncesora i koncesionara precizirat će se ugovorom o koncesiji koji će, uz prethodnu saglasnost Vlade i pribavljeno mišljenje Kantonalnog javnog pravobranilaštva, u ime koncesora s koncesionarom potpisati ministar privrede HNK.
- (2) Krajnji rok za potpisivanje ugovora iz stava (1) ove tačke je 60 dana od dana konačnosti ove Odluke.
- (3) Eventualne izmjene i dopune ugovora o koncesiji, te raskid ugovora o koncesiji, ukoliko za to nastanu zakonski uvjeti, vrši se na isti način i postupak kao kod zaključenja ugovora.

IV

- (1) Jednokratna koncesiona naknada za fotonaponsku elektranu „Pješivac 1“ iznosi 627,66 KM (slovima: šeststotinadvadesetsedamkonvertibilnihmaraka i 66/100).
- (2) Tekuća (godišnja) koncesiona naknada za korištenje obnovljivih izvora i obavljanje djelatnosti (TKN) obračunavat će se prema formuli: $TKN=0,03 \times GBP \times 0,05 \times \sum B$ ($\sum B$ je zbir svih dopunskih kriterija, a iznosi 12,8).
- (3) Sredstvo osiguranja za izvršavanje obaveza plaćanja jednokratne i tekuće (godišnje) koncesione naknade je bezuvjetna bankarska garancija za svaku vrstu naknade posebno i to u vrijednosti iznosa ovih naknada, a ugovorom o koncesiji pobliže će se propisati ova obveza koncesionara, kao i rokovi za dostavu ovih garancija, te posljedice neizvršavanja obaveze plaćanja ovih naknada.

V

(1) Koncesiona djelatnost obavljat će se na način i pod uvjetima propisanim svim zakonskim propisima koji reguliraju oblast električne energije i izgradnje elektroenergetskih postrojenja ove vrste.

(2) Zakonski propisi i standardi koji regulišu pitanja građenja, zaštite okoliša, vodoprivrede i zaštite na radu, su također obavezujući za koncesionara.

VI

Ugovorom o koncesiji obavezno će se propisati i slijedeće obaveze:

- a) da se koncesionar obavezuje, na svoj trošak i na svoj rizik, ishodovati sve dozvole/suglasnosti koje su propisane posebnim zakonima iz točke 5. ove Odluke, ukoliko postoje zakonske obveze i uvjeti za to ishodovanje i fotokopije istih dostaviti koncesoru u roku od 15 dana po pravosnažnosti;
- b) da će se ugovor o koncesiji raskinuti pod uvjetima predviđenim Zakonom o koncesijama Hercegovačko – neretvanskog kantona, kao i ako koncesionar tri godine za redom proizvede na godišnjem nivou manje od 20% od planirane godišnje proizvodnje električne energije;
- c) da je za nadzor nad ostvarenjem koncesije nadležno Ministarstvo privrede, ili osoba koju ministar privrede ovlasti, kao i Ministarstvo finansija za nadzor nad ispunjenjem finansijskih obaveza;
- d) da se dodijeljena koncesija može prenijeti na drugu pravnu osobu u skladu sa Zakonom o koncesijama Hercegovačko – neretvanskog kantona
- e) sve druge odredbe propisane članom 32. Zakona o koncesijama Hercegovačko – neretvanskog kantona, kao i one koje su od značaja za predmetnu koncesiju.

VII

Podnosilac prijedloga za dodjelu koncesije može, u roku od 15 dana od dana prijema ove Odluke, putem Ministarstva privrede HNK, Vladi Hercegovačko – neretvanskog kantona podnijeti zahtjev za preispitivanje Odluke u skladu sa članom 29. Zakona o koncesijama Hercegovačko – neretvanskog kantona

VIII

Odluka stupa na snagu danom njene konačnosti, a objavit će se u „Službenim novinama Hercegovačko – neretvanskog kantona“.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
V L A D A

Broj: 01-1-02-1295/20/20
Mostar, 16.06.2020.godine

P R E D S J E D N I K

dr.sc. Nevenko Herceg